



**O‘ZBEKISTON RESPUBLIKASI MADANIYAT VAZIRINING
BUYRUG‘I**

Toshkent sh.

№ 214

2024-y. "26" 04

**O‘zbekiston Respublikasi Prezidentining Farmoni
ijrosini ta‘minlash to‘g‘risida**

Mamlakatimizda milliy kino san‘ati va sanoatini jadal rivojlantirish hamda sohaga investitsiyalarni jalb qilish borasidagi islohotlarni ro‘yobga chiqarishda Madaniyat vazirligi huzuridagi Kinematografiya agentligi faoliyati natijadorligini yanada oshirish maqsadida

BUYURAMAN:

1. O‘zbekiston Respublikasi Prezidentining 2024-yil 27-martdagi PF–52-son Farmoni va O‘zbekiston Respublikasi Vazirlar Mahkamasining 2024-yil 27-martdagi 27/1-962 son topshirig‘i ma‘lumot va ijro uchun qabul qilinsin.

2. Mazkur Farmonga asosan, O‘zbekiston Respublikasi Prezidentining 2023-yil 25-yanvardagi “Respublika ijro etuvchi hokimiyat organlari faoliyatini samarali yo‘lga qo‘yishga doir birinchi navbatdagi tashkiliy chora-tadbirlar to‘g‘risida”gi PF–14-son Farmoniga 1-ilovaning “16. Madaniyat vazirligi” bo‘limi “shu jumladan direktor o‘rinbosarlari soni” pozitsiyasi “Jami boshqaruv shtat birliklari soni” va “Davlat byudjeti hisobidan” ustunlaridagi “1” raqami “2” raqami bilan almashtirilganligi inobatga olinsin.

3. O‘zbekiston Respublikasi Madaniyat vazirligi huzuridagi Kinematografiya agentligi markaziy apparatining tarkibiy tuzilmasi ilovaga muvofiq tasdiqlansin.

4. Kinematografiya agentligi (F.Abduxalikov):

O‘zbekiston Respublikasi mehnat qonunchiligiga asosan xodimlar bilan tuzilgan mehnat shartnomalariga tegishli o‘zgartirishlar kiritish choralari ko‘rsin;

xodimlar o‘rtasida lavozim majburiyatlarini taqsimlashda hamda markaziy apparatning tarkibiy bo‘linmalari va ularning shtat birliklarini shakllantirishda rahbar xodimlar va ijrochilar markaziy apparat bo‘yicha kamida 1/3 nisbatda bo‘lishini inobatga olsin;

Kinematografiya agentligiga davlat fuqarolik xizmatchilarini ishga qabul qilishda suhbat jarayonlarida vazirlikning Kinematografiya sohasini muvofiqlashtirish bo‘limi xodimlarining onlayn ishtirokini ta‘minlasin.

5. O‘zbekiston Respublikasi madaniyat vazirining 2023-yil 27-noyabrdagi 228-son buyrug‘i 1, 3-ilovalari o‘z kuchini yo‘qotgan deb hisoblansin.


6. Mazkur buyruq ijrosini nazorat qilish vazirining birinchi o‘rinbosari A.Tadjixanov zimmasiga yuklansin.

Vazir

O. Nazarbekov



Kinematografiya agentligi markaziy apparatining TUZILMASI



Boshqaruv xodimlarining umumiy cheklangan soni – 37 nafar.
Ishlab chiqarish, xizmat ko'rsatish va texnik xodimlar soni qonunchilik hujjatlarida belgilangan normativlarga muvofiq aniqlanadi.